



14
1544
111



14
1544
110

童山集卷五

華陰道望華山歌

朝暎秃尾驢。獨上華陰道。雲氣撲人髭欲白。劍矢崔
嵬。東相照。二華削出雙芙蓉。玉女明星晨霜濃。長虹
倒吐蒼龍嶺。紅日初上迎陽峯。我聞希夷峽。仙人掌。
依稀似有五老人。恨不跨鶴三峯上。又聞張超谷。老
君翠。疑有三茅洞。中客招我乘羊。八卦池。我歌歌上。
五鳳樓。歌聲直過天。河流玉女。知我歡好事。為我置。

綿州李調元雨村著
廣漢張懷淮玉溪編

童山集卷五

童山選集卷五

華陰道望華山歌

朝策秃尾驢。獨上華陰道。雲氣撲人髭欲白。劉夫崔
克凍相照。二華削出雙芙蓉。玉女明星晨霜濃。長虹
倒吐蒼龍嶺。紅日初上迎陽峯。我聞希夷峽。仙人掌。
依稀似有五老人。恨不跨鶴三峯上。又聞張超谷。老
君翠。疑有三茅洞中客。招我乘羊八卦池。我歌歌上。
五鳳樓。歌聲直過天河流。王母知我最好事。為我置

綿州李調元雨村著
廣漢張懷淮玉溪編

酒樓上頭高戶不許兜窺。仙桃不許方朔偷。海月忽飛上。飄渺聞仙聲。法嬰奏元雲之曲。雙成吹雲和之笙。酒酣耳熱。彩鸞徐聞。江妃解珮。香氣綢緜。密香似向阿環問。便令此君足下騰青雲。王母掉頭安得云。云鳴呼噫嘻。我知之矣。雲窻霧閣。總無憑。青鳥悞人多。似此俗緣尚重。無仙緣。依然醉向酒家眠。李白騎鯨去不返。誰同搔首問青天。我欲瀛洲步金闕。浮雲富貴俱倉卒。蓮花頂上如可菴。為余先掃松間月。

和雷州司馬許石蘭誦金華陰道詩

我昔騎驢華陰道。時十二月冰初泐。醉中戲作華山

詩。白日蛟螭舞飛雪。當時意氣頗無人。振鷺自愛毛衣潔。君從何處得見來。往往舉誦佐杯啜。氣求有如石投水。道同又似車合轍。今年持節來海南。佐我玉尺皆賢哲。新詩如湧錢塘潮。知我淵源來自浙。就中趙子和尤勇。破費案頭烏玉玦。天教同事豈非緣。桂香滿望中秋月。相勉五色母目迷。莫使秋蟲苦幽咽。監臨大中丞定國座師賜杏酪以詩分送各房諸君同餉仍用石蘭元韻

今晨閤人捧銀瓶。驚見玉膏澄液冽。云是中丞之所賜。傾來一椀胭脂雪。皎皎冰壺照座寒。垂垂鍾乳融

盃潔盥手再拜飽且慚佳味何忍獨飲啜監河原未
 乏升斗鮒魚何至呼涸轍况叨吾師厚惠頒不有新
 詩豈曰哲憶昔先君三入簾因得鸞凰皆兩浙先君
三校
浙圍如李祖惠馮重華陸燦
王世維陳壻汪洽皆名其時賤子尚趨庭未得
 功名試璜玦以此心凜黃髮式敢忘人在天香月勸
 君細細酌融霞絕勝粗糲噉咽

龍門趙雪樵仍用前韻有我未得見華陰詩聞
 似春筍酒清冽因並錄前詩相示再次

從來嗜好各酸醎蘭麝太芬桂太冽天台但賞赤城
 霞蜀人競說峨眉雪君欲知我華山詩大似西子蒙

不潔可憐尚拘官家例不得朗吟共嚼啜昌黎詩從
官而餘座

嚼啜煩
官家胥抄恨無薛濤牋錄送尚憶秦關轍聚奎堂
 上人如雲謂我詩好似前哲君有西鄰謬見推一覽

乃知誰在浙易二房許君司
馬石蘭杭州人簪纓詞藻並精麗彫琢
 瓊琚聯寶玦君詩快於蟾蜍奔我詩似竊嫦娥月夜
 闌不寐鐘自鳴已聽銅壺四更咽

先孝寺南漢劉鋹鐵塔歌並序

塔上文云大漢皇帝以大寶十年丁卯歲勅
 有司用烏金鑄造千佛寶塔一所七層高二
 丈二尺以四月乾德節設齋慶讚謹記余覽

之為作歌

有客招遊入光孝。為余指示金塗塔。我疑此塔年與漢僭同。云是五季劉鋹年間物。其級七層高二丈四。面捧出如來相。各方鑄列偽臣名。紫金魚袋紛相向。當日中原風塵起。粵南兔絲作天子。玉堂珠殿坐蛟蜃。白晝呷人以為喜。慈獠無知壽萬態。手足屠盡猶貪婪。就中別創官人法。腐而後用真奇談。菌坐宮中石仆地。獸觸寢門真怪異。奸忠不辨誰敢言。禍福無憑盡祥瑞。寶光流帳紫霞裾。求仙求佛皈樊胡。菩提貝葉日講讀。刀山劍樹仍屠誅。其時浮屠造何日。鑄

咸知費幾州鐵。一朝浮海稻田來。不救瀧頭三廟滅。暮暮朝朝內太師。羅浮劍篆早先知。不見相輪蒼蘚落。但聽人歌吞骨酷。

菩提樹歌

給孤獨園菩提樹。訶林初植蕭梁年。知藥攜來自西竺。歲久合抱凌炎天。枝幹糾纏鬚倒墜。虬螭一一盤至地。雨露時滋鱗甲生。雷霆日索魑魅避。可憐嫩葉如桑條。五月初生二月凋。浸去渣融比蟬翅。剪來絲細薄。鮫綃我來樹下觀。不足僧伽袖中出。二束贈緜比似人情重。鈔書正欲蠅頭錄。日落不落風聲繁。蘋

婆蒲葵相翩翩命駕急歸歸已遠童顏猶望虞翻園

題元立庭 克中 滇南立馬千山圖

我聞滇南山水天下雄。一蜿蜒如蟠龍。就中碧雞最聳拔。玻璃倒影昆明中。點蒼截嶺飛天外。亘三百里皆奇峯。釋迦卓錫香岩表。畫屏削出青芙蓉。更聞撫仙湖畔岡千仞。金蓮玉筍穿玲瓏。波光樹影嵐霧裡。古藤膠葛昏蒼宮。其他蘭津烟蘿不勝數。武陵路絕無人通。不知我公立馬在何處。但見萬壑雲氣相溟濛。鎖橋啣斷蛟螭口。日月不到巖西東。公獨一鞭摩絕壁。飄飄衣袂凌天風。雪花如掌馬頭落。森森綠

璋聞啼絨問公爾時何其勇。要觀洱海扶瞳朧。遙知夫天只一握手。摘星辰吞長虹。故今吐出錦繡段。仙氣直達蓬萊宮。讀公詩句見公畫。乃知奇人必有奇地逢。恨不當時共追逐。生兩羽翼隨羣童。至今漁樵尚稱說。昔公來遊者。今日廬陵公。

臨江短歌

青山迤邐秋蕭颯。四壁楓林作頰色。斜陽欲下不下。來野風吹墮棠梨赤。周朗遺跡蔓草橫。鐵池錯落土花生。沉沙斷戟英雄恨。付與歸鴉三兩聲。老魚呷尾沉江澣。小魚灑灑浮淺渚。何處嘔鴉柔艫

來萬點。鳧鷖散寒雨。三三兩兩艇相逐。夜泊蘆花然。苦竹一聲欵乃。四天空。片月浮江。遠峯綠。

題新建明府李琪園

鐸

明湖攬翠圖

圖為同年王蓬心作

我在滕王閣。不作滕王詩。滕三山水雖云勝。惜無當日子安絕妙之好辭。忍思家太史筆力頗似之。割新建難志不展。大明湖畔歌驪駒。倩王舍人寫湖色。髣髴春水曹風漪。湖出誰好歸。何日只恐萬姓留旌旗。難見如天閣。如鬼昨日始得談襟期。肆筵半夜為我設。賭酒徵歌無不為。可憐吐句尚如昔。氣槩直欲吞鯨鯢。銅龍蠟盡興未盡。竟欲老兄豎降旗。笑謂琪園

汝何痴。古人作吏。此事廢。縱有文采。誰復知。不如且韜螭頭筆。濡染丹鉛。批判詞令。晨送我來。忽又別我去。遺下攬翠圖。要我題新句。前有沈初董誥與老褚廷璋。昔本同年。一巢聚。今觀其詞。如大楚。勁敵使我不能語。急捲還君。渡江去。此後相思暮雲樹。

臨江後短歌

長風夜吹青玉裂。五嶺梅花瀉香雪。壁嵌空。天鳥雀。巢潭沉。斜日龜鼉宅。白雲蓬蓬不作雨。崎嶇春濤靜。吞吐誰歌水調。櫓飛來。剪破練江霞。一縷長江。江水平。如砥江上。長林低映水。花村板屋一千

家盡在參差素烟裏蒲帆裊裊濕雲白玉筍東峯塵
響隔三洲杳靄何處尋浦外鷓鴣愁遠客

題水部戴旅塘晴川曉渡圖

我昔少年之楚遊直同江水送江流細雨初停白雀
舫秋風獨上黃鶴樓今君亦向楚江駐津亭還記舊
遊處神仙爭羨李膺舟畫手偏工米顛樹我亦同時
之嶺南行車苦恨不同驂武昌魚好應相憶合浦珠
還較似貪幾行鷓鴣歸仙署鸚鵡洲前想迴者至今
沙上喚船人猶說使星從此去

射虎行

春草叢茸灑陰縣

玉輿初駐南海甸爭傳

天子射虎來繞場肩擁萬人舌虎圈放虎將出圈四圍

甲士如組練手中丈八款盧矛各各排列如欲戰人

妨虎亦虎妨人欲出耿耿先顧盼摘絛旅藝環相啜

羽林飛矢如流電忽聞一聲吼山裂奔出六軍皆色

變是時吾

龍鑣千騎如雲下行殿一箭橫穿洞胸腑長殺如

麻絮交攔須臾先後斃三虎血濺平郊互噴巽天為

不風地為蕭萬衆無聲首先顫如茲惡類盡剪除

皇。非。君。王。神。武。真。希。見。為。語。吾。

好。娛。除。暴。安。良。去。民。患。即。看。烏。圍。亦。負。嶠。掃。平。不。讓。
天。山。箭。再。馳。雜。種。俱。蕩。夷。巨。魁。就。縛。無。一。竄。何。況。區。
區。傳。翼。徒。何。不。彼。羨。乃。此。羨。

題家桂山秋江載酒圖

余。本。今。之。詩。狂。者。非。李。太。白。不。取。也。桂。山。獨。欲。掣。鯨。
魚。倒。捲。黃。河。九。天。瀉。天。有。古。月。青。銅。磨。地。有。五。岳。森。
嵯。峨。盡。入。先。生。錦。繡。口。噴。作。雲。霞。供。嘯。哦。前。年。作。吏。
黔。江。涘。人。當。詩。人。不。當。吏。飄。然。五。柳。歸。去。來。侯。門。一。
笑。羞。投。刺。白。鹽。赤。甲。思。故。鄉。巫。山。欲。問。楚。襄。王。白。言。

世。無。識。我。矣。向。岸。啼。猿。知。我。腸。朝。來。示。僕。秋。江。軸。翠。
柏。丹。楓。聲。蕭。蕭。醉。中。一。覺。為。輾。然。書。豈。在。船。在。君。腹。
桂。山。桂。山。今。其。行。鼓。世。恐。觸。蛟。龍。驚。洞。庭。木。落。倘。再。
過。慎。勿。投。詩。弔。屈。平。

八月中秋同人讌集雲谷借樹軒作歌

今。日。置。酒。樂。未。央。自。有。此。月。無。此。光。對。月。當。歌。歌。慨。
慷。滿。堂。聽。我。聲。洋。洋。我。歌。乃。在。岷。山。之。麓。廣。漢。之。陽。
沱。江。東。下。千。里。百。里。欲。入。海。至。此。迴。瀾。有。似。臨。崖。勒。
住。奔。馬。韁。沉。犀。滲。鹿。毓。清。氣。文。光。直。射。斗。牛。旁。天。遣。
下。視。何。吉。祥。中。有。一。人。其。姓。張。手。織。雲。錦。分。天。章。鮫。

梭剗剗皆鸞鳳。二十八宿驚避藏。不敢報天聽其狂。
遂使縱橫詞墨場。邇來便覺鋒增銳。雲霞五色金玉
相當。其真心造化。忙下筆直倒三峽江。翻濤攪浪不
肯住。竟欲手摘龍耳剗。鰲腹拔鯨尾。以與光燄萬丈
之李杜爭豪。強海驪不復抱珠睡。老蜂含胎空喻張
故令今夜月倍皎。恐君與月爭寒芒。斗轉河漢雲茫
茫。君當膏車歸大梁。明年此月知何常。青天雁字遙
相望。對月當歌歌慨慷。

喜鳧塘甲辰成進士

我家一門四進士。

自先大夫石亭公以甲第開先余與墨莊及弟中進士年皆二十九歲

得第年俱二十九。汝於三李白眉良。况復好學世未
有。今年甲辰赴春闈。又屆其時亦非偶。七藝滔滔翻
水成。師定為魁兄定首。君亦高枕待掇科。吉夢自酉
作至丑。自古劉蕡與宋濟。人力每妨天掣肘。癡哉好
事兩阿兄。隔宵襍被內城守。周家宅子禮曹東。忍寒
酪鋪坐待久。日高三丈榜未掛。遣五弟探磚門。右須
臆忽見報騎來。傳呼直過東門口。君方掩關醉未醒。
忽驚剗啄聲如吼。聞道題名四十六。喜中尚嫌名畧
後。兩兄歸宅為闕堂。賀客盈門雜稚叟。回思倘康孫
山外。兩兄何以對賓友。勉哉努力對大廷。魁首當

如拾芥取中秘。本是吾家物。所缺龍頭。至今醜無書。不覽方為儒。好學應教充。二酉他年文章壽。世誰三李當。推君不朽登泰山。而小天下。高堂二老聞信否。吾知起舞踏破甕。就中喜煞第四婦。

呻吟行

呻吟復呻吟。乃在涪陽之江臯。沙汭雲錦淺露脊。河闊如掌。船如刀。忽聞呻吟聲。竄竄疑是遠村聲。夜哭淒淒。松壑來風濤。又疑庚癸呼。餓芋乞憐。搖尾相嘲嘈。又疑餓鳥。與哀鳴。激鞭血。負屈冤。籲號八月寒。蠶三更。雁孤。臣孽子。悲離騷。一時鳴啼。斷集充。西耳。吏

人心動魄。斗覺頭霜。毛細聽非近。亦非遠。聲乃出自所坐。舫黃帽。敝衣不掩。骭伏舷。長叫身橫。篙不知鵝舌。謫謫作何語。但見頰。肩赤脚連。腫尻我聞築者邪。許春者相。祇以助力。寫作勞。何為無疾。無痛。楚不為後笑。為先。吡愧無藥。巴嚙安得。一簞醪。投之上流之。高高千。人萬人。沾瓊膏。使汝温飽。舟自操。吾亦銷金帳。裏烹羊羔。嗟嗟呻吟。奈汝曹。

連州牧張王峰 利仁 數遊燕喜亭並序

燕喜亭者唐貞觀元年昌黎韓公貶山陽令時為太原王宏中題其所居之名也宏中在

連州與學佛人景常元慧游于其居後立屋
以避風雨寒暑名曰燕喜所謂魯侯燕喜也
予於閏六月十二日連州試竣玉峰招予遊
焉其所謂侯德邱謙受谷振鷺瀑黃金谷秩
秩瀑寒居洞君子池天澤泉已付之荒烟蔓
草不可尋詰獨此亭為好事者所葺尚巍然
獨立於北山上後有許州牧別於亭引泉而
溝之以為曲水構亭其上名曰流杯學使吳
雲巖為之記是日集州之羣師長共觴咏其
上因共分韻為詩予得序字時已中酒脫巾

幘頽然座上借童子手中筆疾書之詩成以
示玉峯使勒石亭西

刺史有好懷。邀遊北山墅。籃輿出超曉。風涼諸峯已
見青如許。鬱鬱燕喜亭。韓公舊來處。石何蒼蒼兮。岨
岨而嶽寄。泉何涓涓兮。縈洲而繞渚。烟霞搜剔。琢玲
瓏草木蒙茸。長蒲葦。或如綠沉之屏。或如鐘鼓之鑿
或如柱下之礎。或如海中之嶼。或如輞川之圖。或如
米顛之樹。或如塔之尖。或如室之巨。杙杙或呀呀。三
三或五五。悉千重萬疊兮。如鷓蚌之與蛭。鉅溪壑無
窮興無窮。令我一步一延佇。旁有流杯池。靈區勝萃

所陰陰古栢藤下垂。龍瀧暗響鳴靴。敵後有萬丈高
聳之巾山。前有百里穉。稷之禾黍。是日清風生。渾忘
六月暑。羣賢襟坐學流觴。想見當年蘭亭序。雅事新
添辦香盃。是日摘荷花辦當沈嚴罰更依金谷數。肉
如林兮酒如池。狼藉相枕兮不知其誰賓。與誰主。此
自歷肇羅南韶四州兮。為二月以來第一之盛舉。古
人已去兮。今人復來。今人來遊兮。明日復去。誰謂名
賢之不世出兮。乃與名山爭千古。雷殷殷兮山之陽。
雲滂滂兮天欲雨。日暮相與詠而歸兮。回望北山而
韓兮之遺跡已如北斗之可仰兮。與夫泰山之可旅。

和觀察陳絙齋編祖獨遊白雲蒲澗寺至廉泉

寺觀梅原韻

鎖院深巖長閉門。天寒濁酒聊相溫。邇來對花忽不
憚。看山竟欲隨山猿。蒲澗之寺在咫尺。望中似有林
鴉翻。二年不至真自俗。豈果高擁居輜軒。昨者小與
纓命。駕蠻語參軍來相援。為指犖确折屐齒。又言狼
荒似太始。無邊清興為索然。但見烟霞亘蒼紫。我聞
寺為仙人宅。頗有奇藥名不死。秦皇學仙固可笑。赤
松弗遊亦堪恥。不採菖蒲花九節。十年槁木何由起。
若有美人兮林下來。未得溯洄隔秋水。豈意耳畔聞

濺濺乃是詩人思湧泉三日不見陳驚座便有秋江
筆底懸為言寺在白雲腹磬聲延客清且圓紅蕉青
荔映菴外窓中時有僧談禪更為抵掌說奇事晴天
亂雪鋪茵瓊穿林一片黃昏月暗香時向衣袂傳鄧
尉梅花三十里相較何曾值一錢我聞梅開子之半
何以仲冬如殘年葭灰未飛春已動得毋嶺外陽多
愆前身林逋即君是定有白鶴招山嶺月下美人夙
緣在供君寵玩如爭妍不然何以獨身往絕少俗孽
來相纏羅浮尚自付夢寐人境不到安論仙五羊城
中十日雨海底蛟龍朝水府舟行江上易為詩和成

倚枕方三鼓君不見東坡夜讀阿房賦老兵敢言不
敢怒

冰山行 有序

六月二十五日夜閱山東邸報苦暑不寐呼
僮起索茶沃渴馮子亦未寢相與對冰盆夜
話馮言安得以冰為山樓閣簾櫳皆冰為之
坐臥其間乎此語痴絕然聞之便覺涼氣拂
拂侵人兩腋頗解頤也馮子磨黑請詩便作
數韻而胸中兀兀欲作遂興盡止而意亦盡
以語似樂府故曰冰山行

星斗滿戶天無風。大暑酷吏真相同。夜闌不寐起呼
僮。七碗之茶驚周公。忽聞兒女聲顛顛。安得以冰為
山。為樓為閣為簾櫳。四面玻璃掩映皆玲瓏。仙子風
鬟霧鬢。霜雪容坐卧其間。酌沉澗。飲瓊漿。傾碧筩。恍
若置之迎風含露玉壺中。不知何處為祝融。我聞此
語忽高歌。冰山見日兮將奈何。

五十歲和祝芷塘德麟見祝原韻

一年三百六十日。少出門庭多在室。非貪閉戶學著
書。畏人嫌我峻。增骨風波聊幸脫龍潭。生計尚輸營
鬼窟。已拚歸去著青鞋。非為方來望朱紱。即看五十

又飛騰。人生百歲安可必。且喜身間步履健。祝柳壽
杖來自粵兒孫。遶膝兄弟歡。座上觥籌互相罰。自教
歌舞自為壽。戲謔都使暑儀節。君獨寄我錦繡句。頓
令光彩驚一瞥。強於去年客滿堂。貢謏徒使金繒竭。
况有漁陽好姻婭。百里趨來贄梨栗。曰歸曰歸定何
時。懷有家書字未滅。豈知尚滯通潞河。老興今朝屐
齒折。明年此日定何處。曝背柴門自捫蝨。
平生剛烈如夏日。有樹絕不言温室。但知赤胆報蒼
天。坐此令人嘆入骨。手足皆非應世具。坦途着我皆
坑窞。只有腐儒思致身。不懼三褫奪。綬綬向持此論

百不移。今知巧宦始悟。必儻使繞指。化為柔。何有鋒。銚頓。吳粵名者造物之所忌。文章豈果遭天罰。細忖萬事不如人。未知減福是何節。邇來靜悟循環理。前因後總一瞥得失。鷄蟲了何時。爭持蜂鷓力。空竭風波已過淡。若無陳事不說如周粟。愁來心火鎮相煎。惟應釋氏談寂滅。每聽然灰輒搖頭。羞為斗米再腰折。感君同心言多中。為謝直如矢貫蝨。

學堂憶昔童蒙日。自愧升堂未入室。豈惟鄉塾少異書。欲買無錢貧入骨。一自姚江得指授。擬探天根躡月窟。又從瀛洲登籍回。汎覽得自諸同級。已於中秋

雇胥。騰聞有奇文借抄。必更於海外得遐觀。二酉移載自南粵。譬如酷好聚寶人。豈懼冥搜遭神罰。迄今家藏億萬卷。聚來半出清俸節。豈能插架盡鑽研。時資引睡寓目瞥。蜀本由來世所傳。雕鐫近已囊將竭。君何嗜好同酸醜。得毋下酒充棗栗。我老將至多遺忘。才減亦恐名俱滅。行與目不識丁同。馱負空教馬背折。由來此腹負將軍。不武不文久已蝨。居通曰。復曰。交偏謫。我不但室負債如山。驅我去。老馬奔疲只餘骨。今年三月至桑乾。波濤直渡龜。覺窟。治河使者我姻婭。謂陳韞山知我筮易困赤紱。脫贈

粗將官事完。思鄉至此歸始。必辦裝未備。倩何人。宦囊已羞空。說粵每遇。憂來輒高歌。常從愁裏過。佳節昨朝忽見。園中花枝上。漸稀不堪。瞥樓遲韶光。又二年。老矣不能力。再竭。有子雖愚。尚繫懷無知。一聽瓦梨栗。歸來且學淳于髡。送客堂前。任燭滅。免曹起。舞踏破甕。老夫欠伸。腰未折。丁寧家事。勿關白。我非。豈。父子。豈。豈。

公溪夜行

溪水隨我行。忽別不知處。我行至前村。溪水又相遇。萬水千山管送迎。翻雲覆雨手中生。故人一別不知

處不及溪流送我情

二李歌 潘維俱廣文

綿竹二李皆奇男。少者豐頤大者髯。髯文百戰皆第一。少者雖脫解名猶三。君年正壯我方稚。步趨往往同風簷。鶴立雞羣。軒鼎足。兩看落筆如春蠶。微官教授歸故里。劍外爭傳吾道南。別來倏忽三十載。夢或見之無由覘。我雖排雲叫閭闔。能言鸚鵡常遭籍。文彩繽紛非不美。羽毛剪落何甦甦。每懷二友吾所畏。始悔我傲而君謙。自知骨鯁不合俗。乞得骸骨歸閭閻。今秋忽動山水興。二峩三峽恣幽探。匡山讀書近弔

李支機問卜遙從巖相如當壚笑憤鼻杜常濃東歌
長鏡形軀放浪百不顧所惜杯酒無同酣昨日江邊
逢小李華相驚鬢白田間談自言富貴非所願惟有
麩藥平生耽問訊伯仲俱矍鑠老學農圃常腰鎌遙
指村東樹深處四圍翠竹其茅庵我聞此言為感喟
大勝縱送紅塵銜豈不眷戀家園適萬事愁攢心如
簪室邇人遐思不見坐令短韻通宵枯

宋老久種花歌

宋老今年七十五抱瓶斫斫自澆圃素髮飄蕭百事
忘胸中只貯羣芳譜問翁底事老貪花為言作此遣

年華回指房湖好風月數椽菲屋是吾家花不由天
由我主不許趨時要趨古六銖衣倩月娥裁五色石
遣媧皇補蟠屈瓊瓏隨手成龍拏鳳翥蛟螭爭君看
白摧黑入處却有花枝背後橫每屆春秋二分日老
去杜門不出室可憐花犯驛馬星東移西裁不得佚
聞君此言為悄然家有醒園未得還松菊無存垣就
毀看翁真是地行山人愛花兼愛客醉飲一斗復
一石他日我肩賦歸來重訪誅茅宋玉宅

童山選集卷六

綿州李調元雨村著

廣漢張懷漑玉溪編

鹿頭閣謁龐靖侯墓祠內並祀武侯

江鎖雙龍合關雄五馬侯益州如肺腑此地小咽喉
事急爭雞口時平失鹿頭至今松柏塚風雨不勝愁
誰言此州小曾有鳳雛來首獻三條計洵非百里才
生無燕驥足死合遣龍陪一自星飛後千山澗水哀

漢大司農秦宓故里

官本司農秩人呼祭酒村兩朝天有姓三造地無存

城郭綿江浸人家洛漲痕永安遺命日應愧此中魂

夜宿寧羗州

萬壑千巖裡蕭條斗大城三更驚虎入四面盡猿聲
雨驟林先嘯風狂澗亦鳴曉來聞水漲何處問前程

題張雲谷西園

琉璃嵌作榻正與睡相宜人比南軒靜園為西蜀奇
羣稱小隱士自號大名醫畢竟詩難及聲名與我嬌

登龍興寺大悲閣

一名天寧閣在真定

金碧千層麗丹青百代仍雷霆梯上履日月寺前燈
牖氣通恒嶽鐘聲撼博陵本來空四大我欲問高僧

同冠峽

舟入同冠峽山從頭上分瀑高常似雨樹矮不離雲
洞滴千年乳巖垂萬古文昌黎曾到處松桂有餘芬

雨後早發建昌途中和壁間韻二首

秣馬待晨發中宵起啟關雨收仍滴樹霧重不分山
過客題詩好溪鷗傲我閒團團牛跡裏何處豁吾顏
黑雲風捲去露出一天青岫遠微呈寺江平漸失江
古田書井字醜樹作人形賣餅何曾得虛煩馬一停

元宵

火樹千枝發星橋萬點明喧成春一片看到月三更

走馬隙中影盤龍村外聲老年筋力健不杖也隨行

奉和相國尹望山繼善先生晚香園雜咏用杜

工部遊何將軍山林韻十首

人傳丙作相天賜午名橋里本居青甸官原傍紫霄

三朝身更健八督勅初招竊喜平泉近無嗟絳帳遙

東閣金甌卜西園玉署清老樓阿閣鳳歡動上林鶯

夜火談藜杖晨厨試御羹遙知退食罷扶杖便吟

行

潞國神如故温公樂不支黃扉初賜第綠野盡穿池

捷日丹心久憂時白髮知嘉謨將入告隔夜續頻披

總以人為樹都驚眼不花有才呈必驥無足不添蛇

鼎內陰陽燹壺中日月賒擁書千萬卷不數鄴侯家

制府東南久延賓館閣開評詩收沈宋得士比歐梅

山愛棲霞去門容野鶴來謂袁子才紗籠題壁處積久不

生苔

為近恒春苑常添太液泉花堆三品石柳放一春綿

身作中朝柱囊無外任錢蒼生遙共祝但願福如川

並少同年在真成晚節香位高心愈下處熱意偏涼

御製常催和奇書出舊藏總因圖報國忘却鬢毛

蒼

芝蘭皆國器。玉樹繞天池。謝傳臨棋局。山公倒接羅。
深宮容走馬。下殿許扶兒。我本登龍客。還思御李隨。

鳳翽朝陽日。龍翔集景雲。英才原樂育。器識必先文。

公奉命教習庶吉士甫到館即以蠟燭三條限蠶

士先器識而後文藝為訓時推名論箋十樣分。芳菲承雨露。撲藻競繽紛。

文章師賈董。宗主得荀何。夜雪門前久。春風坐上多。

股肱諧喜起。元首載賡歌。從此休光炙。論詩得屢過。

陪祝芷塘德縣鄧筆山泮兩太史遊草堂

此地獨千古。為因子美祠。只容人載酒。不許客題詩。

今遇雙星至。堪稱一字師。不知滄海上。誰定掣鯨鯢。

借編修王春甫懿修過宏恩寺

近京無百里。見此大禪林。雨過百花放。雲蟠萬木深。

累羈腰下玉。緣淺橐中金。空與蘭臺客。流連話素心。

新城別學士湯辛齋先甲往閩中典試

我愛湯夫子。風流今尚存。功名如鷓退。意氣自熊蹲。

誰念訶臣老。偏多聖主恩。最憐程限迫。不得共清言。

宿石槽村農家和景考功江錦

水涸趨程易。村孤問宿難。牛闌見燈火。馬磨出盤餐。

舊種黍初獲。新泥壁未乾。微聞田婦語。兒卧勿驚官。

酬鐵冶亭 係

諸葛真名士。綸巾坐小輿。來從三角店。卧看一車書。行李虛隨僕。投桃實起予。長途欣得侶。無復恨離居。

和編修祝芷塘同年題醒園圖用杜少陵游何

將軍山林韻十首

憶昔金山別。魂肖似灞橋。日邊迴彩旆。天上隔丹霄。驛路皇華記。翹車玉帛招。今宵燈送喜。萬里尺書遙。平衡洵不爽。水鏡本來清。已入班中鷺。猶思谷口鶯。淡如君子水。食愧小人羹。不是玉山朗。焉能玉壘行。疴抱年來久。逢迎總強支。錯疑楊子宅。枉過習家池。

呵道山猿避聲名。野鶴知怪君詩筆健。珥筆不停披。余季非荆樹同時得。桂花無心收玉兔。有客詭弓蛇。佳話傳教遍。高談興獨賒。海寧能到否。亦欲訪君家。榜掇惟君少。科逢萬壽開。名能書淡墨。人尚弄青梅。今日崔羣至。爭傳衛玠來。不知桃李內。誰女玉階苔。建昌出名馬。慣走似奔泉。棧道登雖險。沙堤踏似綿。珍珠雙夾鏡。蹠蹠小連錢。脫贈君知否。文旌再督川。高軒來過處。草木尚餘香。坐石茵猶暖。催花酒未涼。題詩龍尚活。起舞鳥昏藏。直到雞鳴候。方知曉色蒼。園林全種竹。亭閣半臨池。童子敲茶白。山翁倒接羅。

登堂先拜母排闥屢驚兒不是 王程速猶思百里

隨 並馬渡江去聯鑣盡入雲山川皆別賦風雨助談文
棧閣程空數綿州路早分同年來有幾老淚落紛紛
稚子真如杜將軍不姓何召平瓜未種潘岳果偏多
難忘青燈語慙賡白雪歌至今明月夜猶夢使星過

寄永清丞陳韞山 琮

地通京畿密年來報最頻誰言為政樂翻似在家貧
樹接盧溝遠梁登海淀新治河聞賈讓不必讓前人

送農部吳鑑尚 燝 以刺史之蜀籌餉二首

蜀道青天上青天我故鄉夷民思向化 天子念循
良地本江為錦人稱國號香君今從此去遙聽說龔

黃

困獸窮猶鬪 王師網尚寬三軍瀘水渡六月雪山

寒聚米知形勢飛芻戒飽餐贈君腰下劍好去斬樓

蘭

過菱湖訪費雲軒先生 龍山莊

沿雪最深處菱湖又一村平田春水岸小艇夕陽門
舊忝後堂客新嘗若下尊十年深仰止今始入龍門
送人之塞

虜騎越邊城。飛書達上京。金指邊上將。玉塞動佳兵。
黑水拖旗色。蒼山答鼓聲。當年班定遠。曾出玉關行。
雪野荒荒白。風沙陣陣吹。戰士何辭苦。君王早得知。
鳳京旋凱日。麟閣畫圖時。誰謂邊方將。猶聞歎數奇。

出塞

蕩子遠從征。長城萬里行。遠天橫劍氣。邊地動笳聲。
隴水風常響。關山月倍明。不知閨裏婦。相望若為情。
一從夫壻去。碧草滿階橫。雁字書難得。迴文織不成。
望。癡應化石節。苦。若為旂牘有。菱花鏡。塵多半不明。

隨園

夜過雙隻堠。曉歷短長亭。塞月無窮白。邊雲不斷青。
馬敲山下鐙。犬帶草間鈴。講武高秋罷。他年看勒銘。

黃甲營

漸近邊沙地。衣裘薄體涼。樹聲風浩浩。山色月蒼蒼。
寒逼駝生毳。人追麝退香。不因村釀醉。竟夕總徬徨。

古北口

俗異沙陀部。風同勅勒川。雙鷗雲外落。一騎日邊旋。
墨黑沾衣雨。沙黃燒野烟。行人長佇立。雲樹極遙天。
自古爭邊險。於今解甲兵。烽平都衛府。月上可敦城。
象胆因時轉。駝蹄到夜明。况兼饒畜牧。好自勉農耕。

小溪望月

上道已千里。回頭恰二蓂。秋懸千嶂。月風動一潭星。夜靜龜鼉出。沙明蚌蛤腥。鯉魚書不達。惆悵憶原鴿。

仁和鎮避雨夜宿廣濟寺壁上見張度西九越詩

雲黑如磐。壓風聲刮樹。過江鳴知雨。近村暝覺燈多。屋小纔容膝。杯乾不稱醅。誰題蕭寺壁。通室自婆娑。

清遠道中

枕柳遙浦暗。葦撥近村稀。海怪迎潮上。蠻禽貼水飛。濛濛雲在樹。颯颯雨侵衣。無限遲留意。遙帆出翠微。

渡珠江大風雨

三聲礮車作。萬里使人回。是日風何驟。連天雨不開。馬人歸島去。龍戶探蠔來。為謝羊城吏。唯叨水一杯。

豐城縣阻風舍舟由陸至南昌

舍舟從覓路。行李又匆匆。不夜江邊月。非花岸上楓。穿林驚犬吠。喚渡見歸鴻。捷徑非無意。連朝阻北風。

謁包孝肅祠

鐵面非真鐵。人傳包老名片言。能獄折一。笑底河清。廟貌風霜老。丹心日月明。更無關節到。展拜不須驚。遊七星巖

來從九曜石初上。七星巖斗柄。然在手。長鏡不可焚。
山靈呈肺腑。石乳滴嶄嵌。醉飽叨賢宰。吾儕亦太饒。
是日同年袁陽春作主人令從遊者皆偏及縣餐盡歡而歸故云。

龍潭

竟。是。九。天。雨。何。曾。一。日。晴。澄。潭。龍。氣。色。濺。石。電。風。聲。
聞道時當旱。常於此潔誠。諸生清興發。落筆鬼神爭。

峽山江漲贈禪樂長老四首

萬流爭。峽口。百丈上。高峯。涿水同。堯警。疏河想。禹心。
山風兼。瀑吼。澗雨入。林深。誰識。持衡客。泥塗。自獨吟。
江漲得。栖息。名山信。有綠泉。聽二禺。石門。繫五羊。船。

果落知山狖。花開惜杜鵑。老僧頭漸白。相對數華顛。
不惜足成繭。為撫眼入竒。烟埋袁氏洞。雨訪大蘇詩。
箏筑巖前磬。松杉殿後池。此遊真不惡。好在阻風時。
禪堂燈一盞。萬慮此俱空。念佛蛇吟洞。聽禪虎卧叢。
二事聞之禪樂長老灘聲長似雨山響不因風悟得明心處前
潭月在中。

鷓鴣

粵山來往熟。初聽鷓鴣啼。炎嶺深榕外。連江苦竹西。
飛低烟幕幕。聲斷雨淒淒。正是頭堪白。家書隔越雋。
遊英德南山。蘇東坡曾遊巖上有米芾墨池二字

英石傳天下。南山見未曾。連江雲一片。插浪雪千層。地以襄陽勝。名因玉局稱。何方剷苔蘚。踏遍萬峻增。

初入連州江口

三過涇陽峽。連州路乍經。江如春草綠。山雜夏雲青。水雀翻翻見。山猿處處聽。已知饒瘴氣。隨意醉餘醺。

錦梁灘

萬石疊成梁。千夫挽一航。雲霞蒸水氣。雪電鬪波光。石柱多穿腹。鋒鋸似割腸。四圍藤蔓合。已覺霧蒼蒼。

題熱水池

高廉觀察寄麗川豐額題壁間元韻

粵東原熱地。更以熱名池。濯去陰陽混。探來善惡知。二巾疑火浣。一屋似烟炊。惟有熱腸客。偏留執熱詩。

題高廉觀察奇麗川豐額小照

文章春榜首。政事白雲司。人到蠻烟靖。天看瘴霧披。愛民今宋璟。佐治古辛毗。展畫如相晤。誰言室遠而

道署與試院逼近時麗川在省故云

舟發珠江將試韶州和陳絙齋繩祖送別韻

扁舟南海發。一片水天明。屢警鯨鼉色。長思鴻鴈情。三杯燒短燭。五字見長城。若論文章伯。翰君最有聲。

雨過峽山寺

輕舟入中宿。勝境一何清。溪樹風多響。山花夜自明。
廟荒饑虎下。灘急牯牛橫。遙憶松門老。高吟和鐸聲。
春事今年早。山山發嫩黃。氣蒸榕葉換。風暖蕓苗香。
撥刺魚跳急。鉤輶鳥語忙。炎州真異俗。一雨便添裳。

西柳溝

水細不成河。山遙漸作坡。居民依樹密。驛路旁溝多。
魯酒甘如醴。居民多山吳棉薄似羅。是日喜聞王化
遠到處有絃歌。

渡大凌河

問渡大凌河。風聲滿樹柯。天連沙磧遠。水入亂山多。

苦霧蒼蒼合。流雲滄滄過。不知遷土客。鄉思竟如何。

木頭城

萬鴉盤陣處。遙指木頭城。人雜牛羊氣。山多虎豹聲。
家家蒙古語。戶戶梵文旌。莫謂邊風惡。香醪異樣清。

瓦房

塞上清和候。寒冬十月同。空山一夜雨。老屋四邊風。
面襯貂裘黑。爐添獸炭紅。更聞人較獵。射虎出林中。

珍珠驢

宣化城東偶見市驢者。渾身潔白。因令人買之。而名以珍珠。

好是羶鞍配。天然白衛姿。面宜諸葛字。背載浩然詩。
雪是全身色。霜為兩耳垂。珍珠名不玷。清潔有誰知。

哭魚門四首

忽得魚門訃。長安開府中。天教擇地死。魚門至河

道王觀察 鑿署已病力人竟坐詩窮。尚想髯如雪。

飄然鬢似蓬。黃公零落盡。洒淚向秋風。

憶昨銜杯語。離京四月天。三春兩汴水。四海一芝田。

四月魚門再告假求貸同飲祝生塘第言忍病猶為

客。云歸未定年。可憐老奔命。總為買山錢。

聞爾秦闕去。全家留在京。不知成永別。猶囑早回程。

難割孤兒幼。堪悲寡婦聲。平生詩萬卷。誰為理縱橫。

余亦江湖客。思為浩蕩人。與君同執手。勸我早抽身。

杯酒猶如昨。衣冠已示塵。從今歸志決。策馬上峩峩。

除夕在行唐縣

不為窮途泣。其能繞過人。逢相後。少自笑。賣癡多。

踪跡疑張祿。留行想韜生。生涯真是夢。又作一南柯。

過保定有感 先大人往事

更無人可恃。惟有自加餐。羅缺都忘辱。揮金始覺難。

血流千古碧。心尚九泉丹。謝鳳毛。雖在風霜漸。脫翰

什邡甯湘維 明府招飲席上奉酬二律

過年多傳食。又過什邡侯。客豈戴安道。兒真孫仲謀。

索書僅小誤。集句古無儔。公集碑四言甚古刻燭聽

論史真堪太白浮

美釀傾牛乳佳殺剪鬚肥裙東畿曾識面北海又論文

我學鷓甘退君才驥不羣醉來書潦草笑倒坐參軍

時耿參軍在坐

再疊湘維前韻 本酬

飯牛終遇主射虎厄山侯書祇留雞讀田皆為鶴謀

山川難是伴河漢怖止倚何處藏名姓行將卜海浮

護草樹之背榴花妬鈿裙林中鳥反哺山裏豹慚文

看劍龍開匣聽詩鶴立羣夜歸逢醉尉誰識故將軍

什邡

什邡卑濕地時雨復晴晴字戒忙時作詩多醉後成

萱花垂鵠嘴豆莢露貓睛偶向城中過爭傳小李名

南籠太守唐堯春自湖南扶母櫬至夔州卒喪

過什邡不及弔詩以哭之

夢斷湖南信驚歸蜀北魂乍迸如雨淚空負見星奔

十載莊周蝶三更杜甫猿同官又同學安得不聲吞

本期鄰是卜近買宅綿竹東門與堯春宅近何意旒先回車過腹應

痛灰然身已頽堯才以南籠貶級捐補候闕未任全家仰朋友行李

仗輿僮宋玉江邊宅誰為闢草萊

臨安太守張同年蔭堂玉樹由武功攜眷自蜀

之任過綿枉駕醒園見訪不值留詩而去

聞道有姚合。來川訪李頎。不知人已去。翻令主空歸。
玉壘雙鳧速。金山五馬飛。猶聽兎輩說。思我頗調飢。

猿

網羅聞更密。底事樹頭懸。通臂終何益。如拳絕可憐。
聲愁三峽月。腸斷一林煙。隱見胡須問。祇應學四禪。

送四弟編修見塘回京省母

只因京有母。翻似轉家時。弟自官愈貴。兄將老漸衰。
三都皇甫序。六首夏侯詩。只為門閭望。頭簾敢惜離。

聽劉虛靜彈琴

道人知我至。羽扇近前軒。滹水偶相遇。空山聞一彈。

焚香翔白鶴。度曲引青鸞。此去蓬萊近。微嫌尚作官。
時為道官

睢水關

徼外諸羌路。當年設險關。一江流湍水。萬笏拱岷山。
官炭黃錢販。番椒白草蠶。車書今一統。荒堡成樓間。

唐家洞 在安縣南一里余以其名俗為易子猷亭

地逼欂櫨氣。崖摩積鐵形。泉拖千丈白。苔濕四時青。
空腹懸鍾乳。搗頭認畫屏。四山皆是竹。應喚子雲亭。
三弟檢討墨莊自楚回里以出峽草見云為題

二首

去冬方出峽。今夏始歸綿。却怪風波裏。如從平地旋。
客懷同負米。市易擇新錢。縱有文如錦。應難換粥饘。
窮本飢驅去。詩翻滿載歸。秋風何太冷。夜雨久相違。
咏史知袁虎。能文過祝龜。此編休示客。只付小蟾兒。

和程魚門訪菊用吳鑑南韻

一生偏愛菊。陶令定前身。不見白衣客。自招青眼人。
訪花如訪友。沾雨不沾塵。踏破東籬路。應遭鄰叟嗔。

晚行曲江舟中二首

秋浪一江急。風帆半日懸。波平先露塔。城近總臨川。

邊火依依野際烟。心如南去水。却坐北歸船。

漫說心如箭。其如棹撥遲。人喧上灘處。鷗起落帆時。
路轉山猶見。鐘鳴寺始知。回頭語黃帽。此地最宜詩。

穆家峪與鐵冶亭保景李門錦兩銓部分韻得
行字

斜日銜山寺。晚鐘何處聲。數家臨水住。一鳥下溪行。
地僻民多瘦。人龐語不明。牧童歸去晚。短笛出前坪。

直沽

通漕上來諸舶。千檣聚一沱。沙平河蚌走。潮落海魚多。
兵戍柳為堡。人家葦織蓑。夜來明月上。處處有笙


歌

出河縣口

偶驚軀七尺。飛過嶺千重。兩耳猶猿喚。孤身尚鳥從。定軍諸葛壘。褒水漢王壟。戰地今何在。時平絕少烽。

避炎

避炎如避寇。相率盡換林。總似火牛逐。思同水鳥沉。僕妨松下卧。詩稱竹間吟。正好荷開日。涼風自滿襟。



童山選集卷七

綿州李調元雨村著

廣漢張懷漣玉溪編

謝中丞德定圓座師遣送羊桃

果自西洋至。名桃以類求。五稜形總肖。三斂性能俸。瘴雨枝枝飽。蠻煙顆顆浮。似按殊碧玉。如蠟比黃流。來傍春風座。剛逢夜月遊。嗜同羊棗癖。情異木瓜投。半佐青蔬飯。全輸白蜜收。荒莊還自愧。飽食負恩優。

詠新竹二十韻

嫩竹初生塢。新陰忽滿庭。何年承露霽。此日奮雷霆。

童山選集

卷七

出筍方供饌。行鞭忽走坳。通天攢箭括。闢地長筍篁。
不擬淇園見。能留嶰谷聽。抽梢欺菜甲。扶幹賴園丁。
預壅添泥釜。頻澆瀉水瓶。嘯時觀自足。醉日種方醒。
正欲燒羊角。旋看集鳳翎。湘妃遲染淚。稚子早添齡。
瀟灑姿猶怯。嬋娟貌可婷。閑來行小閣。坐去望高廳。
細霧前軒護。輕烟別院停。斜陰穿北戶。疎影映南櫺。
潤滴莓苔砌。鮮連藻荇汀。幾竿偏裊裊。數尺自亭亭。
籜落因風舞。枝低為雨零。呼郎原是綠。喚士可名青。
直節多中蘊。虛心斂外形。清貧饒不得。何問渭同涇。
奉和祝芷塘德麟毅居四十韻

啼鴛名御苑。鳴鶴必篁梢。舊碍低門瓦。新誅仄徑茅。
看雲先自幄。得雨已從郊。園剪青蔬嫩。牕除碧草交。
喜無屐吠巷。便有燕來巢。簾捲相紋裊。帷褰細字抄。
預防低置榻。先教遠安庖。愛客陳遵僻。譚文杜牧抓。
洗壘纔泛蟻。題紙乍蟠蛟。蔣詡高原滿。王猷竹未苞。
客來嗔剝啄。僧過話流泡。博厭臬呼座。碁嫌敵在轍。
不能同木偶。幸免聒金鏡。靜獲安居樂。幽占履坦交。
何煩弋者視。直遠俗人嘲。聞子居初僦。留余饌自魚。
婦能藏斗酒。僮解釘盤肴。登壁巾初挂。揮塵麈自捎。
紛紛皆異趣。切切獨同胞。蠅止從教亂。雞鳴自聽膠。

街連南北住。戶待晚晨敲。癡僕過牆慣。饑兒隔屋咬。
 有詩呼共和。無語不相調。鶴故先聞野。麋知早脫羃。
 得緣隨地占。投契定天教。羨爾幽栖好。慚余溷世淆。
 蘇林移雨漏。杜屋為風颭。耳為隣街沸。心因湫隘收。
 人看多當櫟。我繫亦如匏。再徙身無定。三遷意未收。
 翻憐豚在笠。頗類雉罹罟。却憶南村屋。常環北舍茆。
 春花籬自爛。秋稻圃非饒。終喜山邨僻。何嫌地勢傾。
 自來居共邨。却似處同櫟。聚怕行分袂。狂多起舞筵。
 即看槐蔭密。遠映竹枝輕。問菜思黃獨。包餐想綠筍。
 淵明松菊廢。甫里釣船拋。他日林園去。寧辭築圃勤。

輓劉一飛先生四十韻

惟我 劉夫子當今第一流。蜚聲著庠序。學問蘊宏猷。曾待
 先君帳。因從第子儔。父嚴當易教。師道始從游。北院鄰居李。南村塾課劉。髫齡多嬉戲。夏
 楚少威收。余本癡如犢。年方氣食牛。百家初上口。六籍未全搜。大學門方入。中庸理待抽。始哉基之矣。必也聖乎不。木貴無忘本。源須溯起頭。東吳同俶載。西蜀動輕舟。遊興三江遍。歸心萬斛愁。從茲一別後。又是廿年秋。枯守皆前定。官身豈自由。時登上林院。日近九重樓。兩秉文衡節。重經漳海嘔。王畿開府壯。

帝簡渥恩稠。思憶雲千疊。時光雨一漚。遣兒來
密署。衆事借咨籌。竊得家緘。敢傾聞教誨。周官原如
傳舍生。本若懸疣。忽爾遭牽繫。居然起戟矛。汁城曾
侍騎。魯國復陪騶。分潤何曾有。艱難殆欲休。甲辰方
贖成。乙巳始回州。重接顏如舊。還看醜可羞。仲君登
上舍。內助得賢柔。不愛田園樂。先無婚嫁憂。飄然隱
塵市。倏爾近塵湫。得蝦常相訪。逢春必過留。有花常
共看。無酒不同酬。總期山岳壽。詎聽壤梁謳。王勃遊
方遠。梁鴻病未瘳。婺星天忽墜。家督地從遊。道範從
今遠。儀容尚未侔。三喪遭疫崇。雙泪迸昏眸。擇日當

三江口夜泊

同中甫咸萬分韻得三字

瘴樹連梅嶺。風帆指贛南。全於官驛錯。半為客程貪。
野闊低雲合。村遙薄霧含。水寒天欲凍。山雜地呈嵐。
犬吠烟中渡。魚跳雨後潭。蓼花紅覆艇。慈竹綠依菴。
有隴多栽蔗。魚園不種柑。桅燈星點點。市釀露湛湛。
刻燭傳更二。連舟得友三。談高隣鴨亂。句險睡龍探。
報國懷張說。傳家本李聃。最憐渾不寐。更與妙元忝。
送別夢樓先生出守臨安一百韻

虎綬新承。命鸞坡舊集賢。受知緣鄭重。話別故纏綿。夫子鍾江口。家聲起海堧。青緗三世遠。丹篆一枚圓。東箭梁材貴。南金玉質堅。韓歐文似鑄。燕許筆如椽。繡虎工于織。雕龍巧出鐫。銀鈎追逸少。玉唾搨公權。翰墨千秋寶。文章一日傳。席看槐市奪。矢已柳枝穿。共訝鐘彝器。旋陳束帛箋。朝廷行冊遣。幕府早虛延。持節羣推武。乘槎遂附騫。陳遵工尺牘。阮瑀掌書箋。素結三山願。從茲萬里沿。揚帆撈海月。擊楫破滄煙。鼉眼頰波晃。鰲身黑浪漩。國王排雁齒。侍婢鬢龍涎。綺席花籃舞。耀堂竹拍筵。伶僮紅錦襪。歌妓翠珠環。

鬢金埒瓊瑤。響銀盤海錯。鮮十行騎。紙馬七宴走。兜獾蠟。蜚趨送龍宮。禮畢度雲濤。原不測風浪。竟言旋詩遍。鷄林賈名高。鶴上仙。碎琴方擲地。破壁遂飛天。玉筍同時雋。瓊林獨占先。作元張五處對策。董三篇。主酒啗綾餅。探花踏繡氈。鰲扉榮禁籞。鳳檢耀金蓮。珥筆靈和苑。濡毫太液泉。論文參赤管。纂史訂青編。華岡材為棟。擎天王作礪。前賢存汲引。後進敢流連。憶昨南宮選。時承北學員。龍門千尺峻。雁塔幾人聯。鎖院聲聲夜。御枝蟻戰年。一枝寧是桂。片玉未為璇。戈白知無分。垂青幸有緣。瞻韓心自切。御李幸無

愆紫殿叨菱草。青宮接畫軒。趨承時蹠足。陪從敢差
 肩。同日衣冠盛。逢春輻輳駢。羣公如雨集。諸子應星
 躔。簾為敲棋捲。帷因作字褰。茶烹晨設設。樽擲夜闌
 闌。留客嘗春釀。接賓試暮饘。有時徵玩戲。無事鬪便
 嬛。舞罷迴紅靨。聲遲斂翠鈿。燭殘歡倍劇。歌歇髻頻
 偏。的的誇粧靚。番番搏笑媽。喧嘩翻剩席。酪酏上歸
 驪。逐逐無離所。朝朝詎舍旃。酒鑪非邈若。宦海忽茫
 然。獲自身安屈。蛟寧老作跽。中樞推鄭幹。外任重胡
 詮。舊著書三十。新增秩二千。從容辭北闕。迤邐出南
 滇。紫閣橫袍笏。朱幡奪錦韉。路經金雁驛。舟過碧鷄

川鏡柱標雄麗。金沙漾漪漣。瘴雲昏浴象。毒霧站飛
 鳶。僮女輸文具。苗民緯木綿。夷風雖洗染。蠻俗頗腥
 膾。去禁交廉范。驅邪走竺乾。隨車應有鹿。逐惡豈無
 鷄。揮吏莎庭靜。留僧竹閣禪。琴聲簾寂寂。印色草芊
 芊。雨後栽花樹。霜前課稻私。此時風景異。遙覺歲年
 遠。憶故看雲立。思交對月眠。山川頻悵望。風月想安
 便。狂狷應相念。癡頑幾日痊。俗塵勞拂拭。陋體詎翩
 翻。賤子慚桃李。非才愧杞樞。幼思連獻楚。壯悔謬遊
 燕。已作籠中鳥。真成穀裏蟬。酒邊空跋扈。病後苦虛
 羸。木直原招忌。膏明只自煎。未能心抑抑。祇是語譏

談放誕稽康懶橫豪米芾顛夢魂疑化蝶鄉思感啼
 鶻瓦礫難攻琢芻蕘合棄捐空羣逢伯樂持斲藉輪
 扁門立程公雪庄荒陸氏田助山羞細壤輸渤効微
 滑養器培松栢知心別蕙荃丁寧行莫玷提命過終
 悛含意忝心契忘形解道筌擬將觀後效庶免蹈前
 愆自喜洪爐鑄常將品彙甄頓然悲聚散何處照蟪
 妍譬彼孤飛翼誰憐百足蛇先生今去矣弟子益僂
 馮史館思錢象蒼生待謝元清方聞一鶴占定象三
 鱸經術看宏展才華必廣宣盛遊當再續名望豈孤
 懸有帳須重侍無惟或暫躡飛鴻音定早意馬莫教

牽

萬壽聖節恭紀一百韻謹序

洪維我皇上帝絳綵乘符循璣立象顯清
 輝於斗極受靈筴於泰元尺五雲霄雀獻胎
 華之瑄大千世界龍呈宛委之書固已月晷
 含祥乾維效氣壘清九服則銅鼓於戎亭瑞
 卜三登耀金船於靈沼蘇屈上章之歲適逢
 彩捧來五色之期香動奠階榮生桂闕黃輝煥
 合圖書者數千百所紫玉搗英鑄出長生之字
 年分祚席以同春盡輪裳而尊朔而且七戎
 奏捷夫落天狼四庫搜奇字聲帝虎鑿空萬
 里秋生首宿之風採錄百家香動蒲萄之錦
 武功彪炳文治光華既庶事之咸康斯
 一人之有慶加以詳求民隱懋復
 飛芝蓋於南天啓紺轅於北闕平連齊魯
 河聲嶽色之間時協雨風苞苴杏花之外幾
 程綠水滄是琉璃一路青山圖開金碧然而

華燭白壁以沉河駐宸遊宣玩夫物
 氣靜不馳竹箭之流鳥兔光清常見扶桑之
 樹無憂蟻孔金隄則虹亘一條齊作魚鱗石
 鍵則雲連百里况乃九莖之露金雞散草蘇
 生木為街書芝泥九莖之露金雞散草蘇
 三日之霖暢士氣於槐宮扇芳草於華野
 揚壽考止不費酒漿罐髮來迎報之密麩
 則之謠風馴擊壤維道穆垂裳聽康衢順
 響千官劍佩遙承吉祥是以波動榮光山傳靈
 昇平之曲庚並日月符太乙合東西南朔以清
 寧星燦長庚並日月符太乙合東西南朔以清
 年有道之世仰企龍飛誦天子萬
 日章願為元拜敬陳篇什用代慶歌其詞

海屋添春早璇圖啟
 運長芸生思就日
 聖主

正當湯五色雲霞氣三千鶴鷺行應時調玉燭隨地
 固金湯上瑞文呈赤長生錄衍蒼一人恭作肅

萬歲壽而康持敬功無間乘乾體自強心傳綿

舜禹治理契陶唐日月鑄圭璧山龍補袞裳德

輝昭黼座神藻挾天章喜氣慶歌會雍容翰墨場

睿懷通造化奎壁接文昌緗帙輝金蕊瑤篇

西栢梁精華搜四庫遺帙採殊方宿火青藜杖春風

乃藥箱訂訛如掃葉去穢類排糠衛客釐三豕將軍

辨以羊校雙多士苑陶鑄自吾皇萬有歸包孕

諸家畫括囊奇書參夏鼎善本聚春坊共仰斯文盛

遐思我武揚。穴焚金嶺。螳臂斷。雪山螳。每見三駿獲。
 寧容貳負藏。王師皆虎視。戰馬盡龍驤。地闢千
 重譯。連盤九曲腸。蠻雲寒首霜。劍氣掃攬槍。雨洗硯
 樓淨。花吹茄寨香。頻年勞。廟算大凱。晚戎裝。
 敷德陳干羽。成功息斧戕。有威相格被。無國不梯航。
 猶以東南重。兼之黎庶康。練時諮太史。建旆命司常。
 佩璫何曾費。耕漁絕不妨。五巡繩。祖武千里
 達康莊。齊魯同門戶。江湖入混茫。嵐低浮翠葆。岸迴
 泛沙棠。虹影為橋待。龍身夾艦翔。吳頭還楚尾。隨苑
 又錢塘。峯是芙蓉掌。泉真瑪瑙漿。玉壺冰一片。瓊宇

水中央。出豈綠游豫。行彌肅紀綱。帷宮閑控柅。林殿
 不珠璫。尚儉師三古。求瘼凜七襄。天顏瞻咫尺。
 民隱廛。巖廊時也方。芸耔羣馬力。井疆田知無草
 宅。物驗厥心臧。綺罽新肥麥。芳塍漸插秧。豳風兼草
 木。農話只耕桑。帝省恩無極。宸遊樂未遑。
 江南波正綠。河北浪全黃。念昨桃花漲。深籌竹櫂防。
 自從經。翠蓋乍見發榮光。祀典金繩肅。靈颺玉
 節颺。無煩歌瓠子。不復決宣房。蘭采看神授。松舟可
 葦航。安茲四瀆長。視彼百川玉。凡水皆歸壑。維民切
 望。洋海濱勞。鳳輦。天策奠龍堂。鞏固魚鱗

勢平安估客。櫓利興斯絕害。

德茂乃凝祥。本是

皇仁普。翻令

帝力忘。好風隨律轉。遲日以

時。賜人在。羲皇世。居皆廉。讓鄉可云成。得所猶且

視如傷。頻減丁年賦。重蠲甲戶糧。雞竿銜 雨露

犴戶靜銀鐙。網直開三面。膏先徧八荒。牲醪酬

壽者。棹楔慰釐婦。起廢無鐫秩。行糜有宿梁。朱提頒

內府。紅粟出神倉。豐阜時堪驗。文明象益彰。葦高原

飼鹿。梧竹合樓凰。多士收南國。羣才廣上庠。天人追

董子。南雄顯毛萇。辛苦三條燭。艱難兩鬢霜。寸心垂

光柱一第。特恩償。浩蕩波同渥。昭回日有芒。厥

聲威月竄。

至教被河湟。星斗聯冠冕。江淮達篚

筐。塗山玉帛盛。虞陞股肱良。鳳翥鸞騫外。爐烟扇影

旁。琴風能解愠。蕤露欲流芳。地瑞銀呈甕。天文斗戴

匡。真形圖五嶽。和響夏雙璜。路即蓬萊島。山稱靈壽

岡。升恒綿厥算。金玉作其相。寰海 昇平慶

綸言典誥煌。樓臺涵翡翠。歌詠比鴛鴦。聲聽尚書履

茵。連御吏沐。傾心慕葵藿。特達顯圭璋。書獻千秋鏡

春。生百福。賜臣羹和鼎。萬 主誼浴笙簧 賜

醴霞為液。分鮮肉截肪。紅雲凝朶朶。仙樂奏鏘鏘。

天上聞簫管。花間換羽商。菲才慚短綆。賦手愧長

楊。每。以。冰。心。矢。類。叨。玉。尺。量。螭。均。懷。肅。穆。虎。拜。憶。趨。
躋。午。陞。宸。旒。煥。寅。階。黼。繡。張。光。華。占。復。旦。瑞。氣。
滿。天。間。

附試帖

賦得善人為寶得良字

至寶何為貴。皇朝善是彰。秉彝天錫福。和氣地鍾
祥。漸見餘家慶。驚看入室光。當年羞踐迹。此日喜旌
揚。南國人堪憶。東平語未忘。沽之吾待價。器也汝為
良。稼穡符今瑞。芝蘭襲古香。磨礱邀 睿鑒。特達重
珪璋。

賦得百川學海得宗字

法言於水鑒。一脉仰儒宗。忽動臨川歎。還尋導海蹤。
淵源歸上善。派衍述中庸。禮若侯朝夏。書同史足冬。
篆文虛想像。陸放翁詩寥落巴字妙形容。唐詩巴江
功退焉能測。資深自可逢。易云盈坎吉。詩曰溯洄從。
幸際澄清日。羣沾 聖澤濃。

賦得四時最好是三月得三字

韶華傳令序。美景愜幽探。總計時惟四。欣逢月正三。
芳菲遲日麗。淡蕩晚春含。修禊臨江上。流杯向洛南。
紅粧濃欲褪。綠蓋遠初涵。柳暗看穿燕。桑稠恰飼蠶。

草薰憐益母花媚愛宜男遙憶華林宴高吟興正酣

賦得玉韞山含輝限英字

翠微環絕巘隱約見奇英異瑾由天降良瑜自地生
渾淪存太璞璀璨露精瑩璧影涵峰潤瓊姿浴谷清
何須誇照乘自是重連城掩映朝曦合氤氳暮靄橫
磨礪雖有待溫栗已堪驚他日勤雕琢圭璋獻
聖明

賦得從善如登得難字

苦。域。高。堪。仰。從。由。敢。即。安。自。然。成。一。簣。何。止。進。三。竿。
道。岸。登。非。易。賢。關。過。未。難。景。行。瞻。岱。岳。學。步。笑。邯。鄲。

有志忘投杖無功愧累丸雲程思騏展天路想鵬搏
鶴和聲聞野鴻飛羽漸磐 聖朝人是寶多士慶

彈冠

賦得學問至芻蕘得詢字

廷有芻蕘獻 皇衷學問神似知謀野獲來訪
薪人取則情非遠從繩意自親但云葑菲採豈必種
梁珍功以搜羅徧材因選擇新葵心傾 殿陛樹德
廣臣鄰能助編蒲益何須袖草陳嘉言期罔伏一得
亦諮詢

賦得鼻烟 芥屏山令陸文祖

烟乃口呼也。胡為鼻吸哉。種傳法船至。販自海關來。
 玉破霏霏雪。珍盛小小壘。玻璃含潤澤。琥珀映胚胎。
 倒瀉壺常側。分遺帕甫開。每拈纜一指。屢嗅帶千災。
 屏氣如無息。相吹似有埃。為誰頻作噫。不慣却妨吟。
 香霧行須喚。醺人絕勝醅。驅寒天不害。辟瘴地消災。
 貢品殊難得。多儀每走僂。達官腰例佩。對客讓交推。
 老朽何需此。功名念早灰。瓊琚愧難報。拙句出新裁。

童山選集卷八

綿州李調元雨村著

廣漢張懷柱玉溪編

送程魚門晉芳舍人奉詔回南訪求遺書

騷壇今日程文海。大筆當年蘇長公。負到無炊猶愛
 客吟。成有病尚求工。屢遭棄甲心逾勇。代祝添丁願
 總空。此去遺書滿船載。歸來應趁好秋風。

皆祝芷塘編修訪吳鑑南法源寺留飲至暮方

歸明日芷塘有詩因和其韻

煮酒強於顧建康。那須驢背跨詩囊。興來不怕比隣

惱歸去應須醉尉。妨此日心灰誰跋扈。他年名在耻
游揚。旁人休作林麈笑。我是鴛班未列行。

九日和吳鑑南韻

擾擾人寰逐酒巡。豈知今日是良辰。西山過雨多遊
騎。北海無風起酒鱗。萬里遙憐兄弟隔。一杯徒與僕
奴親。京華久住非無謂。尚少催租敗意人。

送吏部郎中陸補梅燦出守潯州

朱幡欲送意翩翩。白恰西華只自憐。笑我長安無米
爨。知君合浦有珠旒。百年容易看消髀。一事偏難是
膏肩。他日嶺邊如雁過。好將書札倩渠傳。

和丁蘭谷端陽前一日韻

濁浪浮空混混東。開懷千里一舟同。驚垂鼉窟山邊
黑。喜見龍舟水次紅。迎母却思離膝日時迎家慈
留賓翻喜打頭風。枕樓少婦渾無耐也。續紅絲。敝襖
中。

贈廬州廣文毛果齋

應藻果齋由中書登進士
為沅江令改廬州教授

十二年前紫禁仙。一朝拋去學烹鮮。老方得第人皆
惜。仕每居卑子亦賢。此錯真成九州鐵。再來不值一
文錢。是間肥水思名義。未必長貧老鄭虔。

宿州懷芝田

不料重逢始是緣。此回執手益淒然。途當窮處疑無地。事到平時信有天。萬里難為知己別。一生長是主恩憐。贈言不是君誰肯。前路尤須穩著鞭。

哭武進相國程文恭公四首

星隕台階歲正終。老成一去滿朝空。存心寬恕王丞相。秉性威嚴魏弱翁。獨掌銓衡將十載。佐襄燹理此三公。如何湛露方濃日。遽駕雲旗颭朔風。
玉堂珥筆侍楓宸。拱藻羣推格律新。五嶽談經多折角。九重幾諫少批鱗。並無袒護分明黨。只有

孤忠諒鬼神。玉春始終公第一。丹青千載炳麒麟。

憶昔初除吏屬官。幾曾風月敢私干。却因謝眺驚人句。便把阿蒙刷目看。恩荷三薰方拂拭。心驚六法入糾彈。累公事救終無益。感到憐才欲報難。

幸有恩光出自天。戴盆回憶尚潛然。鵲巢空繞日三匝。鶯谷旋邀歲九遷。靈雨祇令歸故里。慈雲何日哭新阡。只悲羊傳身無子。言行何人錄作編。

奉和祝芷塘德麟移居接葉亭詩

亭為湯西庄先生故居。小有林泉花鳥之勝。

並塘從居有詩謹疊前韻叙相知之雅道過
從之歡有懷輒書語無倫次時六月立秋前
一日也

年來頗怪卜居頻。聞檢園林別有春。接葉鳥窺携酒
客。隔花犬吠索詩人。天留別館容才子。地敞高軒絕
俗塵。只恐吟成愛。遙贊定教榭脚代眠身。

萬瓦參差甲第雄。潭潭各據幾人同。百年人物思詩
老。一旦天緣付史公。得句每從朝退後。著書多在宿
齋中。笑君萬卷閑身擁。文字何殊困蠹蟲。
何須結構起重巖。疊石疏池只靜看。屋上好鳥惟

我愛簷前怖鴿待。君安魏公自羨朱門。曠杜甫常思
白屋寒。莫向石欄當晚坐。休文應怯露珠團。

泉石平生野性宜。烟霞痼疾未全醫。每遊郊外隨雲
去。閒步街頭對月遲。天意寄君真似磨人間。著我亦
如棊。何時望澤烟波路。同與漁翁訂夙期。

並塘有詩再疊前韻

藥裏書籤寄跡頻。結茅亦可度秋春。休為林下歸田
計。只當湖中沉宅人。萬里家山鴻爪雪。九衢燈火馬
蹄塵。未能擺落輕紅去。只此棲遲可寄身。
憶昨登瀛說兩雄。頭銜謬許武文同。
榜下好事者以
杜詩將軍不好

武稚子能文為君方醉似愁中散我亦狂如蓋次
吾二人諧故云公百歲幾人巢幕上一時諸子入禪中不知螺蚌因
何事空殼年年有寄蟲

幽齋靜對影藥藥想見窓前展卷看有客從遊惟蔣
詡無人高卧似袁安明年燕語新巢暖此日龜言舊
地寒待到菊花重九放來看蛛蝶鬧成團

怪君癖性獨居宜真是膏肓不可醫小屋打頭伸已
慣高樓半臂送應遲書錄逸品還臨帖爽為孤高懶
著棋聞道牆頭多擲果莫因迴避誤佳期

三疊前韻

閒居使我往還頻亭閣無多總貯春每怪幽居如處
子從來良友比佳人小山作賦堪招隱秋水為文不
受塵底事相過便泥飲醉鄉雖小且容身

高齋煮酒論羣雄屈指樽前幾箇同若問庄荒寧陸

氏忙塘禮闈出昆陵趙雲松先生門下至今門立憶
先生出闈有我亦庄荒敢取盈之句

程公一簾草色疎烟外三徑苔痕淺雨中却憶丁

香舊池館飄零無主咽秋蟲癸未余房師為
夢樓先生丁香

館先生
舊居也

為問蕭蕭倚笛樂海棠花發共誰看同時止酒師彭
澤異代論詩到建安雨屐送僧蓮寺近夜爐留客竹

林寒相逢細話長安事。共聽松風試小團。
疎狂豈是合時宜。愚拙由來藥不醫。官味差同熊掌。
欲生涯。悔食馬肝。遲愁懷曲似牽蘿帶。歡味殘如已。
笑棋九萬里風安。稅駕鵬程雖遠與君期。

四疊前韻

茅屋新詩賦出類。直成巴客和陽春。吟成河北壇中。
句格鄙江西社裏人。琴本無弦常挂壁。瓢常有酒不。
栖塵。獨彈古調無人識。許我青蓮是後身。
羨。扈飛揚誰最雄。狂歌痛飲余能同。獻書莫似妄。
男子作賦何須亡。是公習氣銷磨歲月裏。抗懷嘯。

傲烟霞中。試看長鳴曷且鳥。絕勝得過寒號蟲。
城南誰氏建雕欒。休退空懸定畫看。醉裏功名付桑。
落。夢中富貴說槐安。鳳栖只愛桐枝好。馬老方知豆。
葉寒。為樂及時須記取。為君指破舊疑團。
犢鼻文園病酒宜。邇來牛鬪不須醫。客嗔晨卧門敲。
火。妻怪天寒釀熟遲。每欲偷閒思運甓。何須詭智託。
圍棋。齊名莫碍旁人妬。珍重聲華萬古期。

感興

起草 金鑿氣吐虹。孤羸人說坐深叢。大鵬已看翔。
雲外。小龍何勞鬪穴中。身後茫茫頻問卜。目前咄咄

只書空歸來萬卷縱橫甚此後全教付蠹蟲

王荔裳

國梁

將之趙州送別得來字

自笑竒狂亦自哀相看懷抱向誰開
官途似我何時達知己如君幾日來
白壁自當歸趙地黃金應更憶燕臺
莫教壯志銷磨盡盛代方需濟世才

和程芷南

湘

席間見示舊作韻

共對青燈語夜深雲山夢想費先陰
知君別後多新作為我尊前誦舊吟
韞匱好沽求價寶空囊已盡結交金
相逢細說年來事莫怪危言欲正襟

落日春城伴侶稀欣逢佳節感芳菲
酒腸別後嫌君

隘詩骨從前悔我肥頭上花枝晴壓帽
暗中柳汁早汚衣請看燕子來媒日
借得東風便試飛

和松岑韻

放蕩驩遊荷盛時邇來形德總支離
醉如阮籍方長嘯狂似王舒欲炙眉
偶到無聊還獨笑儘教有恨莫回思
憑君努力加餐飯休遣星星兩鬢絲

題歸德太守趙檢齋房師詩集二首

陽春有脚盡成詩展讀欣逢奏績時
元結春陵千戶祝陽城撫字九重知
場山壩減波初靜汴水壇開雨忽垂
幾見政成妨坐嘯笑人每為簿書羈

秦風不坐十年多。雜春門生奈老何。水部高明誰繼續。山公啟事竟蹉跎。尊鱸秋思遲三月。琴鶴清風遍兩河。他日倘能追講席。歸途應許細賡歌。

農部徐惕菴大榕尊人玉亭先生以新繁令籌

餉金川至木果營遇難惕菴聞信即素衣向

西慟哭將萬里尋屍余故與玉亭交契前年

辛卯秋余將至京猶及見於成都邸舍詩酒

往返十餘日因作輓詩二首送之

白馬秋風去。帝城旗亭話別一樽清。大忠翻覺從

軍樂至。孝偏悲死節。名血灑寒山。鵑是伴。骨留荒

草難生。因君至蜀盡消息。我亦悽然動別情。

前年錦里葉初飛。曾別先生上帝畿。好友常歎如

鳥散。依人每笑似鷹饑。即今舊雨誰青眼。自古浮雲

總白衣。多少故交零落盡。田園何日賦喜微。

錢塘懷古

宋家事業已全銷。漫把餘杭說故朝。江上只應寒月

照湖邊。偏見暮雲饒。玉師不抵黃龍府。帝子空望白

馬潮。日落諸陵何處是。冬青樹老雨瀟瀟。

奉和粵東中丞德定圍座師見寄元韻

登龍曾憶滿京華。桃李逢時盡作花。孝伯亭亭慙面

上癸未科師充大總裁閱四川卷調首蒙學賞拔置會試第二人孔融小小亦通家
十年不立門前雪萬里常看海外霞今日讀詩似親
炙春風疑不在天涯

自知入室未升堂濟濟容隨吉士行偶借青藜近燈
火公然絳帳聽絲簧郎廳此日偏依鶴學博當年笑
揮羊錄釋禍受知故云屈指平生知遇重鳳鳴終自
愧朝陽

通德門依鳳闕間年前人覲暫來還笑容近接三
臺象威德旋臨百越蠻蕙以囊開無別載木棉花發
又重攀珠江可許陪趨步飽看羅浮月一灣

帝咨柱石為寧邊八座文昌內簡賢人頌恩威恩
最著羣歸教養教尤先陶延名重溪狔仗韓愈文成
海鱷遷雜沓最憐門下士幾時重入醉翁筵

奉命典試粵東再疊前韻寄呈定圃座師大
中丞

南交火位炳文華何意微名署五花各省試差例由

旨簡用去時五省之命同日俱下手執弓旌原為國心欣
衣鉢得傳家三年坐憶談風月六月行看趁晚霞既
得親師兼得弟主恩真是浩無涯

子固文從六一堂當年指示得周行大都鳴鳳和如

律不愛雕蟲巧似簧天使絳紗仍待馬人傳緩帶寶
過羊諸生欲識淵源自濯漢應知並暴陽

海山一氣杳茫間萬里迢迢記往還自古文人寧有
種只今 聖化已通蠻後生兩化應如爾前輩風流
况可攀好向龍門爭鼓浪窮源槎只在河灣

同駕軺車下日邊持衡嶺嶠愧非賢敢云楊炯居王
後正試為青陽王公懿修常笑劉琨恐祖先驛公程爭夜趁

郵亭詩興逐時遷囊中各有皇華詠待正吾師玳瑁
筵

二月十二日顧星橋宗泰訪疾出夢樓師詩見

並乞觀余悼亡詩

積困身慵藥裏前松風誰共乳花圓忽逢風雨三年
友來話春寒二月天袖裏新詩元白體篋中舊恨阮
劉緣君看續後看雲集半是姮娥泣淚涓

憑君莫話昔時遊每歎師門十日留豪俠欲爭劉毅
鑿神仙不讓李膺舟自攀薊北垂楊路常夢江南杜
若洲今日程門雖遠隔還如立雪傍簾鉤

偕檢討王士會汝嘉周東屏興岐雷紹堂輪月夜

集唐鴛鴦港樂宇東絡山房賞海棠山房鄧大

也 信完

海棠一樹倚東牆。待我來看月已光。怪道席皆無異
客。須知花亦是同鄉。蕉牕四面饒書氣。苔砌三層落
瓣香。却憶去年老。廷尉歸衙未履正盈堂。

古北口

天關崔嵬重北門。烏丸地勢接崑崙。崑崙高萬壘。龍蛇
動雲鎖。千峯虎豹屯。自古三邊時有戍。只今九塞更
無垣。微官此日趨行在。真見星環北極尊。

謁許忠愍公祠

祠在吏部文選司北廊冊庫

慟哭天崩鼎鑊甘。攀髯無地挽龍驂。已聞賊騎爭趨
北。豈有鑿車尚狩南。國亂不匡誰所誤。君危無濟自

加慙。丹心一自黃泉照。冰鏡於今影尚涵。

倉皇閉戶泣斜曛。絕命辭哀不忍聞。正恐偷生羞老
父。敢言拚死報明君。心悲談國東林黨。眼斷勤王北
關軍。惟抱孤忠殉茲土。千秋祭掃當公墳。

長至齋宿

萬國經心屢聖齋。先期出禁撒珍鮭。雲移壁壘

屯關虎。星落欖槍掃井蛙。蘇東坡却却祀慶成詩西極

日秦凱已見紅旗來玉壘。早聞白象歛珠厓。明朝定

見天顏喜。雨露歡聲到海涯。

郊天禮成恭紀四首 仍用齋字韻

相風偵候起衙街。霜仗遙當鳳闕排。十二鑿鈴陳彩雉。三千犀甲擁黃騮。天開塊率晴雲迴。地湧蓬萊曉氣佳。此日南郊誰瘞從。齋宮親侍聖人齋。典祀郊邱展孝懷。質明行禮肅如齋。一人星拱來辰極。百辟羣從上卯階。璀璨夜光籠燎桂。緼縕升氣看燔柴。恩波四海從今徧。降福由來頌孔皆。絳燈高與正陽偕。金鼎香焚屆出齋。蒼壁陳時孤月滿。赭袍飄處片霞筵。禮因日至犧供潔。樂奏雲和鳳管諧。要識萬年膺寶祚。碧霄千里淨無靈。帝從郊外整輿羣。日動蕭光恰散齋。祭畢六

龍回翠葆班。齊雙鳳。報牙牌。紫檀靄靄烟初散。黃道霏霏月乍掛。長羨詞臣偏近。輦和聲。鳴威獨嚼

得家書寄香如叔

家書真似得黃金。萬里飛來慰遠人。向秀屢聞耆老盡。阮咸終懼子孫貧。各天琴瑟真難鼓。異地瓊篴分外親。不是執書多懶拆。拆來翻恐倍傷神。聞道松州尚駐軍。羽書星火下鄉聞。喜逢邊報方三捷。憂到田園減十分。舊種松杉無足惜。新培蘭桂有餘芬。殷勤相勸無多慮。解救貧囊是嗣君。謂昂繼本三弟

廬江夜泛

天水相連星斗明。奇哉此景恰三更。帆迴山背風無力。櫓剪江心月有聲。浦際遙聞人喚渡。城邊早見吏來迎。何方乞得徐熙筆。畫我今宵再泛瀛。

張桓侯廟在涿州忠義在

古來名將孰如侯。畢竟還君第一流。姻婭君臣同一里。姓名叱咤壯千秋。必逢漢賊方瞋目。既遇將軍肯研頭。若比中興圖畫像。雲臺諸宿竟無儔。

旅舍對月遣懷

平生宦跡苦栖遲。贏得風塵滿鬢絲。日落易從投店。

後月圓多是別家時。誰同竹葉三杯酒。自嚼梅花一卷詩。聞道郎官上應宿。坐觀星斗為誰移。

雪後到京奉簡編修祝芷塘德麟

兩年久闊京中侶。正月重來劍外身。麋鹿尚懷千里友。鷺鷥又換一班人。割鮮念爾兼求富。假館知予素位貧。要識從前舊風味。依然愁裏過新春。

六月初六日出都

簡書捧到五雲端。畧整行裝便跨鞍。直省有官同銓鏡。偕行無客不全鑿。是日福建典試編修湯辛齋同路從海上分遙近。衣在箱中倚

暑寒誰解觀星知漢使應言此日發長安

五月二十九日蒙

恩復官恭紀仍用前韻

恩綸一日鳳啣來萬口傳呼喜色開
自分戴盆天失望誰知撒燭

帝憐才重銜紙尾慙新署
再著朝冠拂舊埃兒輩亦知叨異數團圓共話涕盈杯

聖恩浩蕩本無津何意偏加蟻蝨臣
長笑相如綠狗監漫誇太白拭龍巾
檇材自合為時器枯木寧知遇日春
從此自期如李泌別無他物繫孤身

八月二十日奉

恩命督學廣東恭紀再疊前韻

聖恩重疊日邊來豁達披雲宿霧開
已愧寸絲難補袞何堪如綉許
掄才指心誓日酬無地閉口多時筆有埃
盛世菁莪原自盛敢將桃李賀私杯

海南文物麗雲津培養由來重學臣
昔忝持衡羞稱服甲午曾典今重秉鑑淚沾巾
九天楓陛方承露五嶺梅花已放春
犀貝龍珠非所志我生原是赤窮身

初過梅關

紫回路入嶺峯巔。望見蒼茫海色天。潮水遠浮鰲背。外粵山爭赴馬蹄。前梅錫姓著強秦。日楊僕功成下。越年回首淒涼思。往事惟餘曉月挂寒煙。

夜泊觀音岩

一嶂高撐半壁天。相望不到晚燈前。長風送月林梢挂。暗浪搖星嶺上懸。深洞龍驚僧繫鉢。隔江犬吠賈移船。平生不信孟嘉吉。來去征帆任自然。童吾同曾言觀音巖之靈

四月初九日渡海

地盡天南一海橫。茫茫四望水雲生。雨來先見龍孫走。風過還聞颶母行。萬國朝宗番舶至。百靈護衛使

舟平。要知手探扶桑處。定有珊瑚樹早成。

九松山寺和崔大司寇應塔壁上韻

橋南小寺偶停蹤。嘯傲居然膝可容。春以綠陰歸萬柳。天將青色染諸峯。百年不老塔前石。萬里長思屋後松。莫道遺民半非舊。癯僧雖病尚能筇。寺有癯僧初起

大兵平定金川恭紀四首

蠶叢天險控西隅。雜谷羌夷種落殊。回鶻未通唐職貢。冉駝終入漢輿圖。連年議撤金城戍。此日重開玉塞途。聖世羈縻有深意。諸戎甘自觸天誅。

羽書飛寄接長安。夔道縈迴路百盤。誰使行軍殊細

柳遂教對簿。緩樓蘭。當年構怨。哀鍾鄧。此日同謀憶。
范韓聞說軍前。方賜劍。應知國法。總難寬。

何須小醜刻師期。自有高牙樹月支。十路不需諸葛
扇。百蠻爭避岳家旗。寒侵虎帳傳餐早。霧暗龍堆出
探遲。何處金笳聲倍壯。元戎早報獲酋夷。

捲中銜枚度雪山。重兵振旅入荒蠻。軍聲欲壓沈犀
驛。虜膽先寒倒馬關。洗甲營前星爍爍。受降門外月
彎彎。廟堂早建凌烟閣。竚待元戎奏凱還。

大兵平定伊犁恭紀

執戟登壇總舊勳。倚天長劍靖妖氛。賜騎近接飛龍

旂分衛。遙傳控鶴軍。號令六丁驚霹靂。指麾八政走
風雲。何須搗空臨槃木。諸部先愁鼓角聞。

指日沙塵殫霧休。軍門入夜唱涼州。前鋒早斷匈奴
臂。後寨先懸寡母頭。月黑千巖屯虎豹。風清萬竈擁
貔貅。君王務建梨庭績。一破諸臣築室謀。

焚巢豈教鳥飛高。破竹功成總不勞。交趾已騎三象
至。單于敢跨六騾逃。龍沙夜彩于闐玉。虎帳晨盤大
食刀。莫信虜兒多反覆。神機早自析分毫。

試看傳檄定諸番。勒石燕然豈更論。三箭梢雲驚白
狄。一騎踏雪問烏孫。狼胥山外無烽火。鵬按河邊有

戰魂須信 天威從日下來瞻北極斗杓尊

鄴中懷古

何處重尋魏室基。臨漳遺事祇增悲。生平欲表將軍墓。死後空留妓女帷。狐嘯芳林烟滿樹。蛙鳴元武雨平池。只今銅雀俱休問。戲馬臺空又幾時。

南安早發

爭利爭名併此程。山頭曉月最關情。也同行李一肩。上忽見野梅雙眼明。雲裏白猿衝道過。雨中翠鳥隔溪鳴。此來贏得韓蘇羨。兩柄文旌百粵行。

居庸關

天塹初來第一衝。微風側帽出居庸。太行西走青千匝。大漠東來翠萬重。雷起石稜車倒馬。霜飛人面瀑懸龍。太平幸際同文日。摹壁垂巖看墨踪。

良鄉別墨莊

鼎元

又作南天萬里行。郵亭促坐達三更。季昆言淺情偏重。聖主恩深別易輕。此後瞻烏定誰止。從前料虎太相驚。莫云四海無知己。萬卷書中覓友生。

山海關登澄海樓望海

南海取來北海取。水雲高處一登樓。帆來箕子曾封國。身到夷齊共讓州。烟島迷離疑蜃市。風波浩蕩斬

漁舟。去年曾記雷瓊過。五指真如釜底遊。

輓直隸總制袁清恪公

清德名門柱石林。一朝星隕共嗟哀。舉朝盡訝長城壞。故吏尤悲泰岳隕。曾薦禰衡雲漢上。能教李白夜郎回。從今不作然灰夢。更有何人解愛才。

魯肅墓

奮武遺墟卧石麟。江東霸業半沉湮。晚年空自求三郡。早歲曾經指一因。山色凝愁連北峽。水聲流恨入西鄰。雖然蜀漢由天授。負義終慚冢內人。

送編修趙雲松翼出守鎮安

玉堂揮翰究推誰。三載螭頭四海知。自古詞臣多出守。况兼才子最能詩。枕柳樹底行苗步。薜荔門中認柳祠。莫遣瘴烟侵鬢髮。他年燕許候摘詞。

過湯陰縣謁岳忠武祠

當年和議出君王。大獄深宮實主張。人謂冤如檀道濟。我憐功似郭汾陽。金牌十二徽欽死。鐵犯千秋檜高當。要識高宗心裏事。也應太祖嫡孫皇。

別桂山

蓬廬天地總羈縲。爪跡何須苦印泥。招隱欲分山大小。卜居知在漢東西。都中朋好惟君密。蜀下聲名與

我齊回憶錦城風雨夜。林頭話別不堪題。

移居宣武門東

已自拋家天一涯。僦居那更說移家。團團牛磨都陳迹。小小蠅廬暫避譁。絕少佳隣難借酒。無多隙地亦栽花。看雲樓下長回首。不倚雕欄幾歲華。

聞王少林嵩高病足

少陵何事骨支撐。半為吟多太瘦生。室內扶顛無僕婢。門前問恙有公卿。一年斷酒閒鷓鴣。六月看花過馬纓。何日詩肩高自聳。西山準擬踏崢嶸。

桂山自點學孫補山暮來京將由廬州回蜀

門如羅雀未嘗開。有客長歌歸去來。自說不搔求食尾。誰憐長暴報恩腮。一生知己韋臯幕。四海傳君宗玉才。放爾江湖且踈散。人間恐有復燃灰。

飄然鼓枻入夔關。千載高風未許攀。名紙毛生難久住。怒飛翼短不如還。諱窮誰識心偏苦。君有境到傷臨老渾忘鬢已斑。轉諱窮之尚遇巢湖思景畧。為余憑弔八公山。

